

OMUKWETU

No. 1

Registered at the GPO as a Newspaper

12c

EHOKOLOLO LYONGELEKA AYIHE YA ELOK

Auala a laleke miilonga

Ngashingeyi omumbisofi dr. Leonard Auala (70) okwa pewa oshipundi shevululuko. Omumbisofi omupe okwa hogololwa mOshigongingeleka shoka sha ngalele mOngwediva meti 11-15 lyaDeseмба 1978, moka omusitagongalo Kleopas Dumeni oye a landula omukulupe Auala muumbisofi. Omumbisofi Auala okwa li a hokolola ehokololo lyongeleka ayihe ya ELOK okuza uuna ya totwa (1870) sigo omOshigongingeleka shika. Tatekulu Auala okwa li wo a indile Oshigongingeleka shi mu mangulule miilonga yewiliko lyongeleka. Ehokololo olya li lya ti ngeyi:

ELOK oye wo Oshilongo shaKalunga mOwambokavango, sha tameka ngaashi hashi tameke miigwana yokiilongo yiwe. Ngaashi Omuwa Jesus e shi popya ye mwene ta ti: Oshilongo shaKalunga osha fa onsheno yoshinapi, omulumentu e yi kutha nokwe yi kunu mepya lye. Oyo okansheno okashuushuka ke vulike koonsheno adhihe. Ihe ngele tayi koko, oyi vule iihwa ayihe. Oyo tayi ningi omuti, noondhila otadhi ya e tadhi tungile iihadhila yadho miitayi yagwo.

ETHIMBO LYOMIMVO 12 (1870 - 1883)

Omimvo 12 dhopetamekolela adhihe odha li ethimbo lyekokolo ashike, po pwaa na nando iiyimati. Aahongi oyo ayeke ya li aakriste mOwambo. Kakele kaEva-Maria Nangulohi ngoka ya li yu uvu kutya aniwa a shashwa hwiya ka kOsoomi, Omuwambo gwotango omukriste. Ihe oku li nee kOsoomi.

Esiku eti 6 lyaJanuali omumvo 1983 olya li esiku lyenyanyu sho aamati Aawambo yahamano ya shashwa noya ningi oyo aakriste yotangotango mu ELOK. Omadhina gawo: Moses limene, Abraham Shikongo, Jakob Angula, Elias Nangolo, Tobias Negonya na Johannes Nangombe. Paantu mboka ya li ya tala oshituthi sheshasho lyotangotango mOwambo, opwa li aakulukadhi yamwe taa ngongota taa ti: O! Ndjika ohango yaalumentu tayi hunu iihuna! Kokutya otapu ke ya aniwa iiponga mOwambo, sho aahongi ya tameke okufukika aalumentu.

ETHIMBO LYOMIMVO 42 (1883-1925) ELOK TA TOTWA (1925-1954)
OMAGONGALO TAGA KOKO

Omumvo 1925 powalitali yongeleka ya Niipa opwa thikama aalumentu Aaludhe, Aawambo, yaheyali taa yapulilwa oshilonga shuusitagonglo. Osha li oshikumitha sho komeho aasamane mboka ya tameke okushasha aantu niikaha yawo iiludhe. Momumvo ngoka, 1925, omo mwa li mwa ningwa oshigongi shoka sha lukwa lwotango: Oshigongingeleka nomo Ompangongeleka ya li yu uthwa lwotango.

Methimbo ndiyaka omo omagongalo gehanganotumo lyaSoomi mOwambo na Kavango ga longekidhwa ga ninge ongeleka yimwe. Omalongekidho sho ga pu nEkotampango nOmauthompango ga tungwa, Epangelongeleka olya gongala koKavango muRupara muApilili 1954. MuRupara omo Epangelongeleka lya dhimbulula kutya edhina lyongeleka ndjika oli na okukala: Ongeleka Onkwaevaangeli paLuther yomOwambokavango (ELOK). Epangelongeleka olya hiya Oshigongingeleka omumvo 1954, mEnge-



Aasita yotangotango Aawambo 7, mboka kwa li ya thikama powalitali mongeleka yaNiipa, 1925 noya yapulilwa oshilongashuusitagongalo.

OSHILONGA SHAKALUNGA MOKAVANGO

Mbalambala moKavango omwa holoka wo egongalo lyaKristus, sho mu Nkurenkuru mwa shashwa aakriste yotango 1926.

AASITAGONGALO YA ELOK

Aasitagongalo ya ELOK oye li 120 mwa kwatelelwa omusita Omusoomi Reijo Kaarto. Aasitagongalo 19 ya hulitha oondjenda. Maasita mboka ya tumbulwa omwa kwatelelwa omusitagongalo Gerhard Shangheta ngoka pamwe naakriste 17 ya fegulwa po esiku limwe.

la. Oshigongingeleka shoka osha tokola eipangelo lyongeleka ndjika nomo mwa uthwa Ekotampango nOmauthompango ngoka taga landulwa mokulela ongeleka ndjika.

Oshigongingeleka (shotango sho ELOK a ningi ongeleka tayi ipangele) shomumvo 1954 osha hogolola omutumwahongi Birger Erkiesson oye a kale Omuwilingeleka gwotango. Eriksson sho a shuna kOsoomi Oshigongingeleka shomumvo 1958 osha hogolola omutumwahongi Alpo Hukka oye a kale Omuwilingeleka sigo okOshigongingeleka shomumvo, 1960.

Tala kep. 2

DUMENI OMUMBISOFI OMUTIYALI GWA ELOK

Oshigongingeleka oshiti 10 sha ELOK sha gongalele mOngwediva meti 11-15 IyaDesemba 1978, osha hogolola omusitagongalo Kleopas Dumeni nomawi ogendji a ninge omumbisofi omutiya gwa ELOK.

Omumbisofi Leonard Auala, omumbisofi gwtango gwa ELOK sho ongeleka ndjika ya mono eipangelo, okwa gwanitha omimvo 70 nopaMauthompango nEkotampango Iya ELOK oku na okupe-wa oshipundi shevululuko.

Ehogololo lyomumbisofi omutiya olya wilikwa komumbisofi Auala. Egongalo-kehe olya tumine omadhina gatatu moka mwa kuthwa gatatu ngoka ga popi-lwa koyendji. Omadhina 26 ogo ga li ga thanekwa komagongalo. Konyala egongalo kehe olya tumbula edhina lyomusitagongalo Kleopas Dumeni. Aathanekelwa (ookandidate) mumbisofi oya li yatatu: Omusitagongalo Josia Mufeti (52) omusitagongalo Jason Amakutuwa (61) omusitagongalo Kleopas Dumeni (48).

Omusitagongalo Josia Mufeti okwa hogololwa koopelesenda ndatu (3%). Omusitagongalo Jason Amakutuwa okwa hogololwa koopelesenda heyali (7%), nomusitagongalo Dumeni oopelesenda 90%. AatumwayOshigongingeleka mboka ya li ye na uuthemba wokuhogolola oya li 240 ayehe kumwe.

"Ndika kalya li shili ehogololo ihe ekoleko owala Iyaashoka sha kala sha yuulukiwa komagongalo," osho gumwe gwaamboka ya li kOshigongingeleka a tumbula konima sho omumbisofi omupe Kleopas Dumeni a hogololwa.



Dha za kep. 1

ETHIMBO LYOMIMVO 18 (1960-1978)
Oshigongingeleka shomumvo 1960 oshitsu omukumo okuhogololela gumwe gwomaasitagongalo aavalelwamo muUwilikingeleka, Leonard Auala, ngoka a longo sigo okOshigongingeleka sha landula ko 1963. Oshigongingeleka shoka osha tokola kutya ongeleka ya ELOK nayi kale yopaepiskopi; nosho sha hogolola ngoka a li Omuwilikingeleka oye a ninge omumbisofi gwtango gwa ELOK.

ELOK A TUMU AAYAKULI YE YE KI ILONGE PONDJE

Methimbo ndyoka Epangelongeleka olya kala hali tumu aayakulingeleka yi ili noyi ili, aalumentu naakadhona, ye ki ihumithe komeho mokwiilonga kwawo, omolwokuyakula ongeleka noshigwana. Yamwe oya tumwa koosikola dhoku SA na yamwe okombanda yomafuta.

Otatu pandula nokusimaneka aamwame-yokombanda yomafuta mboka ya kala haye tu kongele omumvo kehe ilimaliwa yokuputudhitha aayakuli yongeleka noshigwana shetu.

EYAMUKULO KETOKOLO
LYOSHIGONGINGELEKA

Oye e na okunenepala, ihe ngame ondi na okushonopala. (Joh.3:30)

Ondu uvite kutya sho nda pewa oshilonga shika itashi ti okuyoololwa mooyakwetu. Ihe onda fa aantu ooyakwetu: okusa ondjahi, okunyanyukwa osho wo nomuulunde. Eyooloko oli li owala mpoka sho nda tsikwa omutenge omudhigu. Ihe nando osha tya ngaaka onda zimine molwaasho megano lyoshilonga shusitagongalo onda uvaneke okuvulika kaa-kuluntu yandje onkene:

Onda hala okwiifupipika nokuzimina etokolo lyOshigongingeleka.

Onda hala okuhepa pamwe noshigwana shandje. (Hebr.11:25)

Kalunga kwatha ndje opo ezimino Iyandje Iyaa kale owala lyoohapu.

Oohapu dhi li pombanda odho dha popiwa komumbisofi Kleopas Dumeni, konima sho a hogololwa.

Momumvo 1973 omusitagongalo Dumeni okwa li a hogololwa lwotango opo a ninge Omuwilikingeleka, ta longo koshi yomumbisofi. Omumvo 1976 okwa hogololulwa ishewe a kale natango Omuwilikingeleka.

AAKALELIPO YA ELOK KIIGONGI YOUNGELEKA

Pomimvo ndhoka adhihe ongeleka yetu ya tameka eipangelo Iyayo oya dhimbululwa koongeleka oonkwawo dhopondje yaNamibia nodhokombanda yomafuta. Ongeleka yetu oya kala nee hayi hiywa yi tume aakalelipo yayo kligongingeleka, yi ili noyi ili, mpaka muNamibia nosho wo muRepublika ya SA, muAfrika alihe, kuMadagaskar, kuAmerika, kuEuropa nokuAsia.

AATALELIPO TWA LI TWA TUMU PONDJE

Naampaka otu na okupandula aamwame-yokuSoomi mboka ya kala haa futu omalweendo gaatalelipo yetu ayehe. Otatu ya pandula noku ya simaneka shili, oshoka momalweendotalelopo ngoka agehe inatu longitha iimaliwa yongeleka yetu, ngaashi aakondjithi yongeleka haa taandelitha oombapila tadhii popi lifundja; aniwa twa hepitha nayi iimaliwa yongeleka momalweendo ngoka.

Tala kepanja eti 4

Oonomola dhimwe moontokolwa dhEpangelongeleka Iyeti 28.12.78

Oshitokolitho 385

Omusitagongalo Simson Ndatipo a hogololwa kEpangelongeleka a ninge omupehawiliki gwalyo, kumwe noshilonga she shelelogongalo.

Oshitokolitho 388

Epangelongeleka Iya tokola oshilonga shuuhamushanga wiinima yongeleka ayihe, pashitokolitho shOmauthompango 147/2, shi yoololwe kuuhamushanga woponto yomumbisofi, mboka wa popiwa moshitokolitho 147/3 nopa kale ombelewa yi ikalela, yoshilonga shika.

Oshitokolitho 389

Epangelongeleka olya kolekulula omusita Petrus Shipena, ngoka a uthwa kEpangelongeleka Iyeti 7.7.1976, moshitokolitho oshiti 251/76, a kale amushanga gwiinima yongeleka ayihe. Kakele kiinakugwanithwa ye ya tumbulwa miitokolitho ya tumbulwa, Okangundulongekidho kOmbelewa (Dagbestuur) ka pewa oshimpwiyu, opo ka fanekela Epangelongeleka iimpwiyu niilonga yilwe mbyoka tayi taambwa kombelewa ndjika.

Oshitokolitho 390

Epangelongeleka Iya zimine eindilo lyomumbisofi, K. Dumeni opo a konge amushanga gwoponto, ngoka ta longo mombelewa ye ngaashi tashi popiwa moshitokolitho 147/3, shOmauthompango.

Oshitokolitho 391

Amushanga omukuluntu, gwiinima yongeleka ayihe, omusita Petrus Shipena a uthwa a kale wo oye amushanga gwEpangelongeleka.

Oshitokolitho 394

Epangelongeleka olya utha ku ningwe oshituthihamblelo shokugandja oshipundi shevululuko komumbisofi Auala nakuku Aina Auala shi ningwe muFebuluali 1979. Okangundulongekidho pombelewa ka pewa oshimpwiyu ka longekidhe esiku nosho wo oshipundi nelandulathano lyoshituthi.

Oshitokolitho 395

Epangelongeleka Iya tokola ku ithanwe Omumbisofi Omukuluntu, mongeleka yomuSoomi, tatekulu Mikko Juva osho wo omukuluntutumi, tatekulu Alpo Hukka, ya talele po ongeleka yetu, opo ya kale moshituthi shelangeko lyomumbisofi omutiya gwa ELOK. Aambisofi: Mikko Juva naLeonard Auala ya indilwa ya taambe oshimpwiyu shokulangeka omumbisofi Kleopas Dumeni moshilonga. Esiku nehala otali ka uthwa komeho.

"OSHOKA ONE AMUHE AANA YAKALUNGA KOKWIITAALA KRISTUS JESUS." GAL.3:26

Omumvo gwoshipalanyolo; "Ekwatho lyandje otali zi kOmuwa," gwa piti po nuudhigu wago nomalimbililo moomwenyo dhoyendji nongaashi wo omapulo. Mokudhiladhila natango omumvo gwa yi, otatu koneke kutya moomwenyo dhoyendji omwa thigwa efano lyopahistoli, ndyoka tali kala nokuya dhimbulukitha EKWATHO LYAKALUNGA muudhigu nenge emweno lye monkalo yuudhigu.

Mboka twa mono ohenda yokuya momumvo nguka 1979, otwa peweni ishewe oshipalanyolo mu ELOC ayihe, tashi talaleke omadhiladhilo getu ga pupyalekwa kiiningwanima yomumvo 1978. "ONE AANA YAKALUNGA KOKWIITAALA KRISTUS JESUS." (GAL.3:26) Oshipalanyolo shika otashi yambuka po eitaalo neinekelo lyoyendji ndyoka lya adhika tali hala okukana. Mpaka otandi mu indile aaleshi amuhe mu dhimbwe uudhigu womumvo gwa ya ne mu tale kuKristus Jesus ngoka twe mu pewa moshipalanyolo sha ELOC nuumvo.

Aana yaKalunga oolye noya zi peni?

Omuyapostoli Paulus okwa tumwa kutse e tu lombwele noku tu fatululila kutya tse aana yaKalunga, katu shi aana yoDiaboli. Uuvalwa mbuka itau zi meshito sho atuhe tu li eshito lyaKalunga, ihe okeshitululo nenge kevalululo lyomeya mOmbepo. Jesus okwa lombwele Nikodemus kutya kape na ngoka ta vulu okumona oshilongo shaKalunga, ngele ina valululwa. (Joh.3:3,5). Aana yaKalunga oya zi mohole yaKalunga (Joh.3:16, Joh.3:3,5, Gal.3:26). Ondjila yokuya muvalelwa mo mbuka yimwe ayike.

Okwiitaala Kristus Jesus mondjila ndjika Ombepo Ondjapuki otayi longo pamwe nOohapu dhaKalunga, okuninga omuntu omuna gwaKalunga. Omuvalululwa oye omushitwa omupe. (2Kor.5:17) "Ngele ku na ngoka e li muKristus oye omushitwa omupe." Ngashi naana Abraham a li a yalulilwa uuyuki kokwiitaala Kalunga, osho wo mboka yi itaala Kristus Jesus taa ningwa aana yaKalunga.

Aana yaKalunga otaa pewa shike kuKalunga?

Oshinima oshinene okukala omuna gwaKalunga osho okukala nomwenyo aluhe. "Omuyuki oha kala e na omwenyo gwo-meitaalo." (Rom.1:17b) Kristus ota kala aluhe mehanganano nomuna gwaKalunga noku mu pa oonkondo. "Ihe ayehe mboka ye mu taamba, okwe ya pe oonkondo ya ninge aana yaKalunga." (Joh. 1:12a) Koonkondo ndhoka tadhi zi muKristus Jesus aana yaKalunga otaa kala nokukondjitha oonkondo dhuulunde mu yo yene nokulalakanena uuyuki.

Keitaalo lyomuKristus Jesus aana yaKalunga ayehe, oye na ompito yokudhiminwa po oondjo dhawo dholudhi kehe. Omuna gwaKalunga ota tseya wo okuyanda uulunde nokweenda aluhe pahalo lyaKalunga. Mpaka omuntu ta mono wo ehekeleko netalaleko muKristus.

Omuntu ota koneke wo, kutya shoka shi na oshilonga okutala kuKristus noku mu inekela. Aana yaKalunga otaa longwa okukala meifupipiko ngashi kwa shangwa: "Kalunga ha tondo aaholuutsa nota silohenda aashonopeki. (Luk. 18:14)

Oshinakugwanithwa shaana yaKalunga muuyuni oshini?

Ombimbeli otayi shi yelitha nawa kutya aana yaKalunga oyo uyelele wuuyuni, noyo wo omongwa gwevi. (Mat.5:13,14) Aana yaKalunga oye na oshilonga oshinene shokuminikila uuyuni womilema nOhapu yomwenyo. Unene pomathimbo guudhigu, gomathiminiko, gomatilitho ootaali otaa monika mokukondjela eitaalo. Shika otashi ti itaa idhimbike noita ekelehi eitaalo lyawo. "Ano inamu ekelahi einekelo lyeni li na ondjambi onene." (Heb.10:35)

Moshinakugwanithwa shawo shokukondjela oomwenyo dhaantu dhi hupithwe oya fa aakwiita mboka taa kondjele evi lyawo. Oomwenyo dhawo nando tadhi vulu okukana, itaa etha oshoka oye shi shi kutya otadhi yakelwa kuKristus. "Oshoka omwenyo gwandje okristus noku-sa okwo elikolo."

Aana yaKalunga oye na wo oshilonga oshinene shokuhanganitha uuyuni wa topagulwa kuulunde. "Kape na Omujuda nOmugreka, kape na omupika nomuvalwa, kape na we omulumentu nomukiintu, oshoka one amuhe gumwe muKristus Jesus." (Gal.3:28) Nando moka ti ketu omu na iinima oyindji ya za melandulathano noya piyagana, ngele kombinga yeitaalo nenge yonkalathano sho tu na Kristus, ayihe otayi ka opala.

Momumvo nguno gwaanona aana yaKalunga ayehe oya mangelwa kumwe kuKristus. Aanona mboka ya fa haa dhimbiwa, Jesus mehiyo lye okwe ya kwatela mo. "Etheni uunona u ye kungame, ne inamu u keelela ko, oshoka oshilongo shaKalunga oshaamboka ye u fa." Nando aanona mboka taa popiwa mpaka kaye shi yopakulwa, ondi uvite aanona oyo ye li ponomola yotango, oshoka eitaalo ndyoka tali vulu okuhupitha aakuluntu oondyoka lya fa lyawo. "Oshili tandi mu lombwele oongoka itaa taamba oshilongo shaKalunga ngokanona, ita yi mo musho."

Aana yaKalunga oye na etegameno lini?

Aana yaKalunga oye shi shi kutya uuyuni wongashingeyi "aion Houtos" otau ka pinginwa kuuyuni tau ya "aino mellon" - uuna Messias te ya noonkondo neyadhimo. Aana yaKalunga oye na etegameno enene lyokuyumuka kuusi, oshoka oye shi shi oya fumvikwa pamwe naKristus mokusa notaa ka yumuka wo pamwe naye.

Eyooloko pokati kaana yuuyuni naana yaKalunga oli li mpaka sho aana yaKalunga yi itaala kutya mboka ya kothela meitaalo lyomuKristus Jesus, Kalunga

ote ke ya etitha kuKristus pamwe naye puuyelee. (1Tes.4:14) Eso lyaana yaKalunga oyo elikolo, lyoshishani shuuyuki, taye ke shi pewa pamwe nootaali. 2Tim. 4:8.

Onkee, ashihe oshidhigu tashi tu tsakaneke momumvo nguno nashi kale oshopaitaalo, shopashilongo, shopangeleka, otatu shi sindi koonkondo dheitaalo lyomuKristus. Kaku na etilitho lyokukaniitha mboka ye li muKristus. Etumwala ka lyaKalunga kaakriste ayehe mu ELOC momumvo nguno gwaanona, li taamba ano ngashi li li.

"Oshoka one aana ya yaKalunga kokwiitaala Kristus Jesus. Gal.3:26.

J. Shanghala

ONDJALULAMASIKU 1979

OYA HOLOKELE MO NATANGO MOSITOLAMAMBO.

MBOKA MWA LI MWA HUPA KO ONAWA NGELE TAMU YA MU ILANDELE MANGA INAAYI PWA PO ISHEWE.

OSHO OPALA EGUMBO KEHE NGELE TALI IKONGELE OKANDJALULA. ONDANDO YAKO OYO 40c ADHIKE.

Epangelongeleka lipe

Oshoongaleleleka momutumba weti 11 - 15 Desemba 1978, osha hoolola yo oilyo ipe yEpangelongeleka noshingwa paitaingeleka ngaashi tashi shikula:

Oukwanyama: Omulongi Melangton Kaukungwa nomuponhele H. Dengeinge,

Uuninginino: Omufita Simson Ndatipo nomuponhele Mika Iilonga,

Kavango: Omufita Josef Kapewangolo nomuponhele Johannes Hambyuka,

Ondonga: Omufita Salomo Elago nomuponhele Titus Ngula.

Ponhele yOvapopi vOshisoomi: Omulongi Annikki Turtinen nomuponhele E. Witting.

Pailonga yavo: Omumbisofi Kleopas Dumeni, Petrus Shipena, O. Eriksson nomuponhele waye Raimo Holopainen.

Takele kaavo ve li mo pashilonga shavo, oilyo ei ya hoololwa oi na okulonga fiyo okOshoongaleleleka tashi shikula.

(Dha za kepandja eti 2)

AATALELIPO YONGELEKA YETU

Momimvo ndhika adhihe aayenda yi ili noyi ili oya kala haa talele po ongeleka yetu omumvo kehe, okuza koongeleka dhokiilongo yi ili noyi ili. Mekwatathano lyongeleka yetu naatalelipo ya tya ngaaka, ongeleka yetu oya mono wo o-mayambeko ogendji.

AAYAKULINGELEKA HAA GUNDJILE PIILONGA YAWO

Otandi pandula aayakulingeleka yetu mboka ya kala omimvo dhawo adhihe dhoshilonga ya gundjila ashike piilonga yawo. Mboka inaa monenwa nando ompito yasha yokukiilonga nenge yoku ka talelapo kokule, nenge yoku ka kalelapo ELOK miigongi yoongeleka dhi-lwe. Ihe oya dhiginine ashike miimpungu yawo.

UUKUMWE WONGELEKA YAKRISTUS MUUYUNI AUHE

Ongeleka yetu sho ya kala mekwatathano nongeleka yaKristus muuyuni auhe osha etele ongeleka yetu omayambeko ogendji noshe tu humitha komeho mokudhimbulula, kutya ooitaali yaKristus muuyuni auhe; atuhe kumwe otse olutu lwaKristus, olutu lumwe naKristus omutse; omutse gwolutu te tu mangele kumwe.

Ongeleka yetu oya kala hayi ithanwa miigongi yOraata yOongeleka mUuyuni (WCC) nonando kayi shi oshilyo otwi ilongo mo oshindji. Mwa dhimbulula wo ekwatathano lyongeleka yetu nongeleka yomuSoomi osho wo ekwatathano lyetu noongeleka oomwameme dhomuNamibia. Ekwatathano lyongeleka yetu nongeleka yomuSoomi itali pumbwa nokuli okupopiwa. Ongeleka yetu oya ninga oshilyo mOngongahangano yAakwaluther yomUuyuni auhe. Oompa-le dhuukwashilyo ndhoka hatu gandja omumvo kehe odho eta lyowala eshuushuka mokuyeleka nomakwatho ngoka ongeleka yetu hayi pewa omumvo kehe kehanganu ndyoka. Kalunga na simanekwe sho ta tula aana yaKalunga kumwe.

OSIKOLA YOKOMBANDA MOSHIGAMBOMBO

Osikola yokombanda mOshigambo oye tu putudhile aayakuli yoshigwana aawanawa. Osikola ndjika oya egululile wo aagundjuka oyendji oompito dhokukiilonga mooUniveesti. Otwa pewa nokuli oondohotola yomiti Aawambo notu na natango aailongi yuundohotola womiti taa ka mana mbala.

OSHINYANYANGIDHO SHA ELOK

Ehumokomeho moshigwana otali etwa wo kOshinyanyangidho sha ELOK, shoka sha kala mOwambo omimvo dhi vule 70. Osha totwa mo kEhanganotumo lyaSoomi okuhumitha komeho oshigwana shetu. Omumvo 1972 Ehanganotumo lyaSoomi oya tokola okugandja Oshinyanyangidho ashike niinima yasho ayihe ku ELOK, omagano. Opwa shaininwe etaambathano ndyoka.

Ihe momumvo 1973, muMai aakolokoshi oya li ya kambadhala okuteta po egundji ndyoka, opo iigwana yetu yaa mone we ompito yokuyama omahini gokwiihumitha komeho. Owa dhimbuluka Elongelokalunga lyOluhodhi poompile dhoboma yaakolokoshi olya siikilwa kElongelokalunga enene lyokuhambelela Kalunga pOshinyanyangidho oshipe. Tangi kumboka mwa gandja iitunigitha yasho.

ONGELEKA NEPANGELO

Epangelo lyaSuid-Afrika ndyoka tali pangele wo Namibia, mokuhumitha komeho oshilongo shetu, olya ningi ngaa iinima oyindji iwanawa, kombinga yomatingo niilonga yilwe. Ihe mokuhumitha komeho aantu yo yene, epangelo pomimvo ndhiyaka adhihe olya kala tali nyengwa okwaadha omukalo gwombili. Opwa holoka omahepeko nomaedhililo moondholongo, gaantu oyendjiyendji po pwa na epulakenwo lyasha.

Ombili yoshigwana oya yonagulwa pamikalo odhindji, onke ongeleka yetu pamwe noongeleka oonkwawo otwa nyengwa okumwana. Oongeleka odha kala hadhi yelutha ewi lyadho, okuhekeleka iilyo yoongeleka dhetu nokulondodha nokukumagidha aakuluntu yepangelo, ya pulakene omayemato goshigwana yo ya opaleke iinima pamukalo gwombili.

Ihe sho kwa kala aakuluntu yepangelo, yamwe, mboka kaaye hole okupukulula no inaa tseya oshilonga shongeleka muuyuni, oya kambadhala okumutika ongeleka yaa popye sha, nomahepeko oga tsikile. Ihe nando ongeyi ooitaali oya kala haa tsaathana omukumo okwii-nekela Kalunga.

ETHIMBO LYOMIMVO 96 (1883-1978)

Omumvo 1883 moka egongalo lyaKristus lya holoka po li na aakriste yahamano ayeke; methimbo ndjoka lyomimvo 96 ongeleka oya koko. Nuumvo ELOK oku na iilyo yi thike konyala 270 000. Oshitayi shomeni lyaKunene inandi shi yalulila mo.

Ooitaali mboka ya za mo muuyuni muka noya taagulukila megongalo lyaaluhe, momimvo ndhoka 96, omayuvi ogendji-gendji-mboka ye tu tetekele manga tatu longekidha mpaka tu ke ya landule wo.

OKWEEVAANGELITHA NUULELIGUMBO

Omalleendo gokweevaangelitha moka tate Efraim Angula a kala ta dhangoloka naNamibia okuza 1963, okuthikitha evaangeli lyehupitho muukololo auhe, osha yambekitha ongeleka yetu. Epangelongeleka olya gwedhelepo pulyaAngula, aamati yaKalunga: Natanael Shinana naStefanus Mvula. Osho wo omalleendo gatate Matias Ngipandulua gokufatululila omagongalo nkene tu na okukala nuuleligumbo lyaKalunga oga kwatha oshindji.

AATONATELI YIITAYINGELEKA

Aatonateli yiitayingeleka oyo ekwatho enene miilongayakulo yongeleka ayihe nomomagongalo gayo. Ngame onde shi dhimbulula Omumvo 1960, sho ndu uthwa ndi kale Omuwilikingeleka. Ethimbo ndiyaka onda li ndi na uudhigu mbuka hau kala aluhe momutameki.

OSHITAYI SHOMENI LYAKUNENE

Moshitayi shomuAngola omu na aakriste yetu nonando omwaalu gwawo ihatu gu tula momayalulo getu. Epangelongeleka olya utha Noa Ndeutapo a kale omutonateli gwoshitayi shomeni lyaKunene nomuhongi Erkki Halme a kale omuyakuli gwe.

Oshilongo shaKalunga omo shi li meni lyaKunene naatumwa Aasoomi otaa longo nawa pamwe naanashilonga yetu mboka twa tumu hwiyaaka.

OPARADISA KEHE OYI NA EYOKA

Mongeleka yetu otwa dhimbulula wo pomimvo adhihe ndhika oluhodhi olunene; omutondi satana ta kondjitha oshilongo shaKalunga a hala e shi teyagule mo mokati ketu. Ihe okwa nyengwa. Okuza ketamekolela, pomimvo adhihe otwa kala hatu adhika komathimbo goluhodhi, sho aanashilonga yetu yamwe: aayevaangeliste naasita ya kanitha oshilonga sheuvitho omolwiilalo ya ningwa moomwenyo dhawo kiikuti yomutondi.

EIPANGELO LYA ELOK INALI IGWANANA PO

Ongeleka yetu nando oyo onene momiyalu notayi humu nawa komeho mokwii-lela, oyi na uunkundi natango miiniwe. Iilongangeleka oyindji niinene ohayi endithwa natango kiimaliwa tayi zi koongeleka dhokombanda yomafuta.

Epangelongeleka omumvo kehe olya li li na okuninga omaindilo gomwaalu o-



Dr. Leonard Auala, omumbisofi mezi-mbuko. Oye a hokolola ehokololo ndika lyongeleka ayihe moshigongingeleka sheti 11-15 Desemba 1978.

OMUMVO GWAANONA



"Kristus oye e na okunenepala, ngame ndi shonopale," osho omumbisofi K. Dumeni a yamukula oshigongi shoka she mu hogololele muumbisofi.

munene gwiimaliwa yi ze kaamwame yopondje, opo ilongangeleka yomumvo kehe yi vule okupita. Oshigongi-ngeleka shika onawa ngele tashi kundathana natango kutya ope na okuningwa ngiini, opo ongeleka yetu yi ka adhe ethimbo ndyoka tayi vulu okuthikama komagulu gayo yene.

AAYAKULI POMBELEWANGELEKA

Omoliwilonga yi ili noyi ili hayi longwa pombelewangeleka molwongeleka ayihe, otwa kala naayakuli pombelelwa: yamwe mombelwa yiiniwe, yamwe mootelefona, yamwe mootelaxi nosho wo momayalulo omakwawo galwe. Ilongangeleka oya piti nawa omumvo kehe omolwaayakulingeleka mbo, aamati naadhona, onke tandi ya pandula.

EINEKELO LYENI OKWIINEKELA NDJE

One mwa li mwi inekalele ndje oshimpwiyu shika ndi kale omumbisofi gweni. Na ngame wo otandi mu inekalele notandi mu indile mu dhimine ndje po mpoka nda li nde mu ehameke.

ELALEKO MIILONGA

Otandi simaneke shili eidhidhimiko lyiilyo ya ELOK, sho mwi idhidhimikile eyakulo lyandje pomimvo ndhoka adhihe 18. Otandi indile Oshigongi-ngeleka shika oshisimanekwa shi mangulule ndje mo mewiliko lyongeleka, moshiwike tuu shika, mesiku eti 15 lyaDesemba 1978, mEtitano.

EHULITHO

Mokuhulitha ehokololo ndino, egalikano lyandje oyo ndi: lilyo yOshilongo shaKalunga mu ELOK nayi koke aluhe mokutseya Jesus Kristus Oye Omua; ngoka ta ka thikameka shili ongeleka ye koshipala she megulu - ya yela yaa na we nando onyata yasha. Nguka e tu ithana Oye omudhiginini note ke shi tsakanitha.

(Lya fupipikwa)

Dr. L. Auala, omumbisofi mezimbuko

Numvo ligwanahangano (VVO) oya luku omumvo gwonuumvo (1979) Omumvo gwAanona. Oongeleka odhindji muuyuni odha taamba ko oshinima shika. Ongeleka ya ELOK nayo wo oya zimine edhiladhilo ndika, opo yi kale kumwe noongeleka oomwayina muuyuni.

Epangelongeleka (lya gongalele meti 29-30.11.1978, mOniipa) olya ningi eindilo kaasita, kaavuthi nokaayakuli ayehe miigongi nomomagumbo, ya kale ye na momadhiladhilo gawo aanona, uuna taa ningi lipopiwa, po pu longithwe ooteksti ndhoka tadhi popi aanona. Oshipalanyolo shonuumvo: One aana yaKalunga mokwitaala Jesus Kristus. (Gal.3:26) osha hogololwa owina, okudhiladhila Omumvo gwAanona.

Omadhiladhilo kombinga yomumvo gwAanona ngoka ga dhiladhilwa kligwanahangano oongaka:

- Uuthemba mbuka owomunona kehe, pwaa na ondjoolola.
- Okanona kehe naka gamenwe. Naka pewe ompito opo ka putuke palutu pandunge nopankalathano -ka kale ka manguluka nuuntu wako wa simanekwa.
- Okanona okuza pokuvalwa kwako sigo ka pewa edhina, oke na uuthemba wedhina nuukwashigwana.
- Okanona naka mone ompito yokukala ku uvite kutya oka gamenwa monkalathano moka ke li mo. Naka koke ke na ukolele. Okanona oke na uuthemba wokupewa iikulya yokolela, wepango, egumbo, evululuko osho wo esiloshimpwiyu lya yogoka.
- Okanona oka pumbwa ohole neuveko, opo ka koke pauntu.
- Okanona oke na uuthemba wokumona elongo ndyoka tali gandja komuntu kehe ompito ya faathana, okukokeka okuyoolola iinima nokupangela eiuvo lyako, opo ka koke noka kale omuntu e shi okuyakula moshigwana
- Okanona na ka mone ompito ya gwana yokudhana nokuvululukwa.
- Okanona oke na okugamenwa kegeelo lya na ohenda, okwaalongithwa iinima yaa na omutsenandungu nokokwaasilwa oshimpwiyu. Inaka longithwa nando ongoshilandithomwa. Okanona inaka kutwa miilonga manga inaaka gwanitha omimvo dhontumba.
- Okanona naka putudhwe neuvo neidhidhimiko, nuumwayinathana nombili naantu ayehe. Oonkondo dhako nomagano naga longithwe mokukwatha aantu.



Aanona otse omagano geni aakuluntu twe mu pewa kuKalunga, Kalunga ota tegelele mu tu putudhe pahalo lye.

Aakuluntu taa gunwa kaanona

Aakuluntu yetu — ootate noomeme — aasimanekwa, ngame ondi na epulo kune amuhe. Na epulo ndika onde li penduthilwa unene kepopyo lyu udhilila momakana geni, ne aakuluntu yetu. Konyala shaa mpoka to adha aakuluntu ye na oshipopiwa, otashi popi ngaa aana yethimbo ndika aniwa ihaatu vulika we kaakuluntu. Otwi ininga aanwi yomangandja naatokelelwi yomookamba.

Epuko oli li peni?

Mbela oye ano ngoka a dhika okandngosho kengandja pomukunda gwetu nopomudhiingoloko aguhe nguno, aana nenge aakuluntu tuu? Oskola hono hatu ka longwa sho ya kundukidhwa kuundingosho womalovu owa dhikwa po tuu kutse aanona yeni mbela — okune ndishi aakuluntu; nolwindji uundingosho wopooa dhosikola ndishi owa dhikwa po kaalongi nokuli, mboka ye li ando omeho naakwatelikomeho yaana.

Olwindji tse aanona ohatu tsakanene nohatu kuutumba nokutokelwa muundingosho naalongi nosho tuu noomeme nootate yetu. Epuko lyokwaavulika kwe tu aanona oli li peni mpono?

Ehalo tuu lyetu tse aanona mbela, sho megumbo lyetu hamu dhungwa ehutu? Aawe, ndishi. Miiholelwa ayihe nde yi tumbula otashi holoka sha yela, kutya ehalo lyeni ne aakuluntu yetu. One mwe tu longo nohamu tu pe iikolitha yomaludhi agehe.

Okwaavulika kwetu aanona okwa za nduno mpoka, sho ne aakuluntu tamu kalandeke oondunge neputuko lyetu iikolitha, mbyoka hamu tu pe nohamu tu dhikile momagumbo nopomanongelo nokuli. Iikolitha oyo oshiponga monkalamwenyo yomuntu kehe, unene tuu yomunona, ngoka ta mene natango nokokoka ngaashi omuti omushona. Oome me nootate, kotokeni mwaa ninge aahongololi yaanona yeni! Mat.18:1-11.


Aanona oyo omagano gaakuluntu

Oomeme nootate aaholike, ngame ondu uvite oluhodhi molweni, sho hamu tu pe iikolitha. Iikolitha ohayi yonagula po oondunge dhomuntu. Otu na iiholelwa oyindji noya gwana ngaashingeyi moka ti ketu, yaantu mboka ya ningwa iinyanyu noondunge dhawo dha lika po kii-kolitha. Aanona tse omagano gaakuluntu ná Kalunga ota tegelele ne aakuluntu mu tu putudhe pahalo lye. Omayelt. 4:1-27.

Okuhungila kweni natse pomahala gii-kolitha, peha lyokuhungila megumbo noku tu pa eputudho alihe tali pumbwa, inamu tegelela onkalo ya tya ngaaka yi tu eteleni elago mokukalamwenyo kwe-tu nane. Inamu tegelela wo omunona tandi putudhwa ngaaka ndi kale omunandunge.

Otandi mu kundu noohapu dhOmuwandi, Joel 1:5-6.

Omunona gweni J. Ndjembo



ENYANYU LYASHILI

- 1 Ando ndi leshe nokuleshulula OMBIMBELI yandje ONDJAPUKI, Ando Jesus ta popitha ndje, Noohapu dhe oontalala: Nyanyukwa aluhe muNgame, Nyanyukwa nomuudhigu, Ndhika kadhi pu ku gwanithwa, Ihe Jesus ngele ndi mu na, Shika okati komokutsi!
- 2 Ikonene shaa tayi hulupo, Noontamanana tadhí shonopala OMBEPO ONDJAPUKI ote ya, Nyanyu notandi pewa, Ndi kale nalyo aluhe, Muudhigu nomeyemato, Muuyeleele nomomilema, Mombili nomiita wo, Enyanyu ndyo lyashili!
- 3 Ite pumbwa ndi popyagule, NooNankali yokegulu, Ngolongo ngaa ndi mane po, Sigo te popi dhowala,

FEELANI TERTTU HEIKKINEN

Terttu Heikkinen, omutumwa Omusoomi, okwe ya lwotango mOwambo, mu-Namibia momumvo 1965. Okwa kala omulongi gwOshiingilisa kOsikola yopombanda yaShigambo, sigo omumvo 1968, sho a ka fudha kOsoomi.

Okulandula ehokololo lyokukalamwenyo kwa Terttu Heikkinen, omuntu oto ilongo mo oshindji kutya okukala omutumwa otashi ti ngiini. Okutameka momumvo 1970 Terttu okwa galukile ishe-we kOshigambo nokutsikila iilonga. Omukadhona nguka e na omagano gomalaka, momumvo 1971 okwa yi kEkoka, omukunda gu li megongalo lyaKongo mUukwanyama, opo e ki ilonge elaka lyaAakwankala ye e li humithe komeho.

Okuza momumvo 1973 feelani Heikkinen okwe ki ilonga iilonga yelundululo lyOmbimbeli kuEngelanda nokonima okwa galukile kEkoka okutsikila iilonga yelundululo lyOmbimbeli.

Pokati komumvo 1973 Terttu okwa mono oshiponga sho ehauto moka a li lya lyata omboma, manga ya li mondjila okuza kuKongo yu uka kOnandjokwe. Oindjina yehauto ndyoka oye ekelwahi kokule, osho wo oshikoto shokonima osha yonagulwa po, kakele owala koshikoto shokomeho moka ya li ya kuu-tumba.

Kepulo kutya okwa li u uvite ngiini konima yoshiponga shika, okwa ti kutya: Onda dhiladhila onda li lela popepi neso, inaashi ningwa nale mokukalamwenyo kwandje. Osha pendje wo omukumo kutya Kalunga okwa hala ndi tsikile oshilonga she, osho a ti. Natango kepulo kutya oshike inaa thiga po ehala ndyoka lya nika oshiponga, okwa ti: "Inandi vula okuthiga po ehala ndyoka lya nika shiponga, omolwaasho oku na wo ooyakwetu ngaashi ooLasarus Nyanya (omuhingi gwokuKongo) nosho tuu ooyakwawo, mboka taa longo nomukumo."

Omumvo gwa zi ko (1978) muNovomba Terttu okwa li ishewe a ponokelwa kekakunya (omukwiita) lyometanga lya SA, ndyoka lye mu teya omayego gata-tu. "Osha fa kutya kape na sha tashi keelele ndje moshipala okulonga oshilonga shoka ndi ipyakidhila nasho. Ondi inekela otape ke ya ethimbo lyombili uuna pwaa na we oomboma," osho Heikkinen a popi nomukumo, konima sho a lalekwa moshipangelo.

Kepulo ekwawo okwa ti kutya kashi shi oshipu okulonga mokati kAakwankala, oshoka ohaya tembukatembuka. Kungame uudhigu ohau kala owala mpoka sho ndi na omambo ogendji, ngoka omadhigu okuhumbatwa, andola hasho andola otau te ashike.

Feelani Heikkinen oye ngiika gumwe gwaavalekele. Nando ngashingeyi okwa kanitha aakuluntu ye, omuntu oto koneke kutya okwa mona eputudho ewana-ke nohole yaakuluntu ye. Omanga Terttu inee ya muNamibia okwa li omulongi gwOshiingilisa nOshisoomi, mOsoomi. Oku na aamwayina yatatu: aakiintu yaali ya hokanwa nomulumentu gumwe a hokana, ngoka e li omuprofesoli gwomalaka.

DUMENI, NGHIFIKWA NANAMUHUJA

Omumbisofi Kleopas Dumeni pamwe naataleliskola aasamane Hans D. Namuhuja naAbednego Nghifikwa, petameko lyaJanuali 1979, oya yi mela lyondjila opo ya ka talele po epyatumo kuSenegal. Etalelepo ndika olya kwatelela mo oonkundathana molwoshilongatumo muSenegal, shoka tashi longwa kEhanganotumo lyaSoomi na Elok.

Euvathano pokati ka Elok nEhanganotumo lyaSoomi okulonga mepyatumo ndino, olya shaininwe meti 20 Septemba 1975 nomumbisofi K. Dumeni oye kwa li a shaina medhina lya Elok.

Twa talelapo Ovanailonga mOushimba

Momafiku a 7-23 aKotoba 1978, onda enda pamwe nahamushanga woilonga yopamhepo mokati kovanailonga, omufita Gerson Max. Otwa talelapo eenhele edi: Otavi, Kombat, eekomboni nomalukanda omuTsumeb, Outjo, nOtjiwarongo. Ohandi tula oididilikomwa imwe paxupi apa:

1. Kalunga nahambebelewe

Omhepo Muyapuki ota diinine ovanhu vaye meitavelo li na omwenyo. Oku na ngaa ovamati novashamane tava diinine okuholoka peendjovo daKalunga. Nomefimbo letalelopo letu, ovakwaita vOmwenene ova li tava ongala nawa okupwilikina omapopifo etu. Ova li yo ve na ohokwe okuninga omapulo e lili nokulili. Mokati kailonga idjuu nomaudjuu e lili nokulili, ovanailonga otava diinine olwiimbo. O, otava imbile Omwenene — ELOK ota tange Kalunga pombanda.

Mokati kovanailonga omu na ovo hava longo eefikola domakoleko nomashasho. Ove na ovakulunhuongalo novawiliki veekuulo. Ashishe eshi oshi shi okuhambelelifa Kalunga.

2. Omaudjuu, oiponga nomamakelo

a) Ovanailonga vahapu otava futwa eendjabi dinini, da utama, odo ihadi dulu nande okukandulapo eemhumbwe davo. Diladila omunhu ta futwa R2,32 ile R3,60 mefiku. Kapu na eyooloko, nomushamane e na omwalikadi nounona vaye vahapu kOwambo, osho ngo ta tambula osho.

Meefaalama dokOutjo otwa hanga mo omunailonga umwe ha futwa R45 komwedi, e na omwalikadi waye-nounona vavo vavali ve li naye pofaalama. Aveshe vane ohava xupu komwedi noumaliwa ovo. Lao linene, oku na po oungobe, omo ne ha kande eumbo laye.

Natango pofaalama imwe otwa hanga po umwe ha futwa komwedi R25. Naye yo oku na ofamili i li puye. Walye kutya ohava xupu shili ngahelipi noumaliwa ovo.

Nge to tale eembete neenduda domeekomboni omo hamu nangala ovanailonga, natango oto hangwa komadiladilo kutya oinima kai li panhu. Otai holola kutya Omulaule oye oku li moupika nota kolonyekwa nai kOmutilyane. Ovatilityane ova hokwa ashike okufipa mo eenghono dOmulaule nokufipa mo oupuna wedu letu. Itava kwafele Omulaule Omunamibia, opo a punikwe koupuna wedu laye, ayee. Ouha-yuki, oupika nodino otaw twikilwa natango medu letu. Omitima dovayandji voilonga muNamibia odi li fiyo onena melongifo leendemoni neendeveli. Ohatu teeletele nodjuulufi Ovatilityane ve lidilulule koulunde wokotongotongo. wodino, wouhayuki, woipupulu, wefupa, wokulihola, wonyanya nosho tuu.

b) Vahapu vomovanailonga ova kanifa ondaka. Otava dungu, tava landifa, notava lande notava nu oikolwifa. Otombo, efau, nobiila oyo oiponga ii noinene koshiwana. Otai xutula notai vayaula oshiwana. Otai nyono eendunge dovanhu notai tula oshiwana meshunduko li nyanyalifa. Otai kufa oshiwana meitavelo lashili lokwiitavela

Kalunga nometilokalunga, notai pikifa oshiwana komutondi. Oshiwana hashi lityakidile noikolwifa otashi lixulike po sho vene notashi liningi oshiyele sho vene.

c) Ovakinhu ovo va dja kOnooli (Noorde) nova ya koSuide, ove ke litwa ashike moupuyakadi wokuhena oilonga nokuhe na oikulya nokuhe na eenhele dokunangala. Ohava nangala moixwa popepi neekomboni, pomafina omi nomoinima ya fa omapundo ya ningwa moipakete nonoishi-kelele vali. Otave limonene oikulya noimaliwa nondjila yohoni noyohonda. Ove li hano emakelo loshiponga kovanailonga, nongaha ovo ayeshe kumwe novanailonga otava ningine mombwili yeshunduko nomondomwi yeenyata doulunde.

Oshinima oshiwa unene eshi eepasa noma-kelele okuya kOushimba a kandulwa po. Ndele eshi itashi ti kutya natu kaleni paimuna nomokuhatila Kalunga. Kalunga Tate okwe tu pa eemwenyo nomalutu tu mu longele moukoshoki, moshili nomouyuki, mohole nomoku mu tila. Hano keshe umwe lipashukila, opo u file oshisho omwenyo nolutu we li pewa oufita kuKalunga, nou kale u shi okuyandja ehokololo liwa kOmushiti woye.

Kombinga yoshiwana shihe na oilonga, eshi osha hala ashike oku tu pa natango oshili ei kutya, fye otwa pumbwa epangelo lipe li nako nasha nohiwana notali kongo ouwa nelao lovanhu aveshe moshiwana; lihe na okatongotongo. Omapangelo mounyuni ohaa humbata oshisho shokumone-na oshiwana oilonga.

Pexulilo ohandi mu pandula nefimaneko onye amushhe ovo mwa li mwe tu yakula nawa nehafo mefimbo letu loku mu talela po.

Dr. A. Shejavali



Omusamane Martti Ahtisaari ngoka e ya olutiyali muNamibia pamwe nongundu yaantu ye li 20. Oya kundathanene mOswakopmund yo nomupanguli M. T. Steyn, kombinga yehogololo lyonuumvo, ndyoka tali ka ningwa mewiliko lya VVO.

Martti Ahtisaari

muNamibia ishewe

Omukalelipo gwowina gwaAmushangandjayi gwiligwanahangano (VVO), omusamane Martti Ahtisaari, okwa thikile mOvenduka 14 Januari 1979. Pokuthika kwe pokapale okwa holola pafupi kutya:

■ Ine ya okuninga oonkundathana miinima iipe.

■ Okwe ya okukundathana nomupanguli M. T. Steyn kombinga yetanga lyombili (Untag) lyiligwanahangano, uuna tali ya nethimbo lyokutameka iilonga kwalyo muNamibia.

■ Otaa ka kundathana wo eishangitho ndyoka li na okuningwa, omolwehogololo tali ka ningwa metonatelo nomewilikoo lyiligwanahangano (VVO).

■ Esiku lyehogololo oyo wo shimwe shomiikundathanwa pokati komusamane Ahtisaari nomupanguli Steyn, onkundathana ndhika otadhi ka ningilwa momOonda (SWAKOPMUND), okuza eti 15.1.79 nkoka omupanguli Steyn nongundu ye ya tegelela omuyenda nguka nongundu ye yaantu 20.

■ Kombinga yetulopo lyomatati nehulithopo lyonkalo yomaumbathano, omusamane Ahtisaari ota dhiladhila kutya shika oshinima tashi ka tamekwa mbala, okuza tuu uuna etanga lyombili lya VVO lya tameka iilonga yalyo muNamibia. Etanga lyombili itali ka kala kombanda yongamba, ihe omapangelo gopuushiinda waNamibia otaga ka pulwa elongelokumwe opo pwaale kale omahindo gasha taga zi kombanda yongamba.

OONGUNDU DHOPOLOTIKA NEHOGOLOLO TALI YA

Oongundu dhopapolotika ndhoka kwa li inaadhi itula mehogololo lyaDesemba 1978, ndyoka kwa li tali wilikwa kuSouth Africa, odha zimina okuya mehogololo ndyoka tali ka ningwa metonatelo nome-wiliko lyiligwanahangano. Oongundu ndhoka ongaashi, SWAPO, na NNF.

S W A P O, mokana komunashipundi gwopevi omusamane D. Tjongarero, ota ti ongundu ndjika, meni nopondje, oyu uvite shimwe kutya yo otayi ka ya mehogololo ndyoka iyi ikwatelela komafaneko gaAmushangandjayi, omundohotola K. Waldheim. noga ziminwa ku SWAPO.

NNF, pakana kwaAmushanga gwomatseyitho nomanyanyangidho, omusamane Rukoro, ota ka ya mehogololo ndyoka, ngele tali wilikwa kligwanahangano nolyi ikwatelela komathaneko glilongo Itano yokuninginino.

OKERSESA YAAUVITHI MENGELA

MOSIKOLA YAAYAKULIGONGALO
MENGELA OTAMU KA KALA O-
KERSESA YAAUVITHI, YOOWE-
DHI NDATU, NOTAYI KA TAME-
KA MOLYOTANGO LYAFEBULU-
ALI 1979.

OSHTAYINGELEKA KEHE OTASHI
INDILWA SHI TUME AATUMWA
YATANO.

NATANGO NGOKA I-
NOO INYOLITHA OSHI-
FO SHOMUKWETU OU
NA OMPITO OKU SHI
NINGA. EHA LYOYE
NATANGO OMO NGAA
LI LI MEMBO LYOMU-
KWETU.

INYOLITHA ANO U KU-
NDANE SHOKA TASHI
INYENGE MUUYUNI.

EGALIKANO PETHIMBO LYONGASHINGEYI

1. Omuwa uva egalikano ndika,
Omolwooyakwetu mba ye li kokule
natse,
Ya zi moshilongo muka, oku ka ko-
ngâ ekwatho,
Kalunga ya gamena.
2. Okesilohenda lyoye,
Kalunga u ya endithe,
Kevi nkoka ye li ko, Kalunga ya po-
pila,
Kwatha okusindana kwawo.
3. Yambeka wo oohapu dhoye,
Taye dhi uvithilwa hoka,
Pa oonkondo aamati yoye mboka,
Taye ya uvithile,
Kalunga ya koleka.
4. Omuwa uuna to shi hala,
Yakwetu ya galuke,
Ya pa ondjila yokugaluka,
Ya gamena ye tu adhe tu li nawa.
5. Ihe ngele ya mana oondjenda dhawo,
Pungula oomwenyo dhawo, sigo to
ya yumudha,
U ya thikithe keembo lyoye lyuuye-
lele,
Sigo tatu ka monathana hwiwaka,
pahalo lyoye.
6. Oonkondo odhoye tate Kalunga,
Uuyamba nesimano owoye Kristus,
Aluhe sigo aluhe,
Amen.

Mongandjera aantu otaa dhengwa

Ongandjera oshitopolwa shi li mOwa-
mbo kUumbangalantu waNamibia. Aa-
kalimo yaamoka otaa dhengwa pwaa na
epulakenwo lyomohofa.

Oshitopolwa shika oshi na omukwaniil-
wa, Jafet Munkundi, pamuthigululwaka-
lo gwAanamibia. Omukwaniilwa Munku-
ndi ina kwatelelwa mo moshinima shi-
ka shomadhengo. (Mehokololo muka i-
tatu ka tumbula manga omadhina gaa-
mboka haa dhenge aantu nenge mboka
ya dhengwa, ihe otatu ke shi ninga ko-
meho.) Aadhengwa oya li ya ka kuga
kOmukwaniilwa, ndele inaku ya zila e-
kwatho. Omukwaniilwa okwa fa kee na
oonkondo okumweneka omadhengo nga-
ka. Mboka taa tumbulwa unene moshi-
nima shokudhenga aantu iilyo yo DTA.

Aantu otaa dhengwa aniwa molwoma-
tompelo ngaka: sho ya lunduka, ya dhi-
na aantu, ye na SWAPO, yo ishewe o-
ya hala aniwa okudhipaga aantu. Edhe-
ngo ndika ohali ningilwa omuntu kehe:
okanona okamati nenge okakadhona, o-
mugundjuka omulumentu nenge omusa-
mane nenge omukulukadhi.

Aadhengwa ohaa dhengwa niitako yoo-
ndjembo, oongonyo, omankawa, iiti nii-
kwawo oyindji. Omulumentu gumwe o-
kwa tewa okwaako nomukwawo oondje-
go. liningwanima ohayi ningilwa unene
pOkahao, mpoka pe na egongalo lya
ELOK.

Popepilela nongeleka yaKahao, ope na
okamba yaakwiita ya SA, mboka haa
ithanwa etanga lyegameno. Pakupopya
kwaakalimo yomOngandjera etanga ndika
inali keelela uukwaanuyuki mbuka waa
ningwe-inali gamena sha.

Iilyo yo DTA oya li ya thiminike aa-
ntu mOngandjera, pamikalo dhi ili opo
ya hogolole. "Otwa li tu shi aniwa DTA
ngele a hogololwa ote ke tu gamena,
ihe nani otwi ikongele owala omahepe-
ko," osho gumwe a tumbula noluhodhi.
Oministeli yOwambo ye Omupreside-
nde gwo DTA omusamane Kornelius
Ndjoba okwa tseyithilwa oshinima shika,
osho wo omupolosi gwlineya omusa-
mane Ferreira.

Aantu yamwe, unene aagundjuka, oya
za po ondapo pomagumbo gawo omo-
lwomahepeko ngaka. Yamwe oye na o-
madhiladhilo ya taaguluke oongamba;
yamwe oya tokola ya dhipagelwe moshi-
longo shawo, omanga yamwe ya tokola
okufala oshinima shika mohofa yopo-
mbanda. Aniwa ope na ombapila yi na
omadhina ogendji gaamboka ye na oku
ka dhengwa.

DTA ita ka sindana we
"Otandi ka kambadhala opo DTA ndjo-
ka yi li po tayi tu hepeke yaa ka hogo-
lolwe nando komuntu gumwe moshito-
polwa shaNgandjera, mehogololo ndyo-
ka tali ka ningwa nuumvo muNamibia,
patonatelo lyilgwanahangano (VVO)," o-
sho gumwe gwoonakuhepekwa a tu-
mbula nondjahi.

Mongandjera otashi limbilike kutya o-
lye omupangeli: omukwaniilwa, aalongi
mepangelo, omalenga, aasolotati nenge
oomboka ye na oondjembo? Omuntu oho
adhika owala to ende e taku ti: "Ila
ndi ku longithe."

liningwanima yoludhi nduka oya kala
hayi holoka mo omimvo dha pita, ihe
pethimbo ndika omadhengo oga vuka
noonkondo.

HAMBA OUDEMOKOLI OSHO U LI NGAHA

Meti 8 laDesemba 1978, efiku lexulilo
lehololo, petata lotundi onhihetatu,
mOradio Owambo omwa dja eenghunda-
na tadi ti: Ovpangeli aveshe keembi-
nga adishe ova pandula eshi ehoololo
la enda nawa. Ovanhu eshi va uda ee-
nghundana edi ova haluka unene. Ndele
hatu ti: Hamba, oudemokoli osho u li
eshi.

Mehoololo eli ovanhu kava li mo va
manguluka nande, osho twa mona mOu-
shimba. Mehoololo eli ovalongi vahapu
ova hoolola pamahalo Oilumbu oyo ha-
va longele, hapamahalo avo, ayee, Eshi
omuhona woye ngeenge owa DTA, nena
ava hamu mu longele omu na okuhoo-
lola DTA. Ngeenge owa AKTUR, nena
omu na okuhoolola AKTUR. Ou ite shi
ningi, ngaashi omuhona waye a hala,
nena ota kanifa oilonga yaye.

Ovanangeshefa novanafabrika osho va
longifwa ngaha. Ovalongi vahapu ova
tewa moilonga eshi inava hala okuhoo-
lola pamukalo wa tya ngaha. Vali opwa
kala ondaka oyo ya popiwa komupange-
li ou ha tilika noku na eenghono mepa-
ngelo. Ta tii: Ou ita i mehoololo eli o-
ta kufwa oufemba medu eli, vali ota ta-
le oku ta yuka.

Ovanhu vahapu ova tila epangelo. Omo-
lweendjovo tuu edi onghee va lotokela
koukafa vehoololo, vati, pamwe otava
katukilwa onghatu. Hano oinima oyo ai-
she oyo nee oudemokoli oyo? Vakwetu,
natu taleni nawa emanguluko tali di me-
hoololo la tya ngaha, ngeenge oloshili
tuu ile otali shilile vali komapando ou-
pika, omo tu li mo.

Ashike shiwana shaKalunga lineekela
Kalunga koye omumangululi washili, Ou
iha nyengwa kusha; Ou a kufa oshiwa-
na shaIsraeli moupika waEgipiti. Oye
aake mu lineekela.

S. H. Haimbili

OMUKWETU

Oye oshifo shOngeleka Onkwaevangeli
paLuther yomOwambokavango.
Oha nyanyangidhwa mOshinyanyangidho
shOngeleka mOniipa.
Omukuluntu gwoshifo omumbisofi
dr. Leonard Auala.
Amushanga Ambrosius W. Amutenja.
Ondando yOmukwetu komumvo muAfrika
R 2-60, kombanda yomafuta R 5-00.
Omambesitelo pamwe noondando naga
tumwe kOmukwetu Oniipa, P/B. 2013
Ondangwa 9270

OWAMBOKAVANGO CHURCH PRESS
ONIIPA P/BAG 2013 ONDANGWA 9270